

Coûnde flouqueyad au Concours de Felibrîdye de Tarbes

éd. 1977 p. 11

(Août 1890)

Qu'ère û cop (qu'ey atau qui coumencen û coûnde),
 A Seroû, près deu Biarn, û bràbe caperâ,
 Qui, malgrè que debot, aymabe à badina ;
 Mes, au soû tour, tabé, qu'atrapabe soun coûnde.
 U paysâ, drin retors, aperad Casaussus,
 Au mestié de falça que l'abè lou dessus
 Per soun esprit puntud e sa riposte prounde.

Per bèt cop, lou paysâ qu'embita lou reyen
 A's biène partadya dab et ue becade ;
 Que la's boulè minya ; per or ni per aryen
 Noûste òmi, de segu, l'abéré pas balhade.
 L'embit qu'esté dabor counegud deu curè :
 D'aquet tems, lous curès qu'aymaben la ribote,
 E, mercés à la fé de mant-ue debote,
 Lous hîdyes, lous capoûs, de Noubémbre à Heurè,
 Que-us hasèn d'û gran pam eslaryi la culote.

Per daban Casaussus, au moumen deu repas,
 Lou caperâ que passe en acourcin lou pas ;
 Tout escas, lou paysâ que parech sus la porte :
 — Que hès dounc ? Casaussus, bèt tems-a noû't bey pas.
 — Moussu que-m soy hèyt sàye. — Aquere qu'ey drin
 [horté...]

— Hèts-be drin en daban, que beberat û cop ;
 « U béyre de boû bî n'ey pas yamey de trop ;
 « Qu'èy ue pipe au chay qui n'ey pas abroucade,
 « Ça-biet, qu'en tiraram touts dus ue chucade. »